

集兒樂府



葉兒樂府

折桂令

正宮

秀水

朱彝尊

錫鬯

鬧紅塵袞袞公侯白璧黃金肥馬輕裘蟻陣蜂
衙鼠肝蟲臂蝸角蠅頭神仙侶淮王雞狗衣冠
隊楚國獼猴歸去來休選箇溪亭作伴沙鷗

又

故鄉人千里書投漁弟樵兄盼我回舟老僕長
鬚侍兒赤脚穉子蓬頭趁新雨過時插柳揀綠

陰深處騎牛歸去來休二頃秫田一簣糟

又

挂輕帆潞水春流夾路煙花直下揚州第二泉
邊第三船裏第四橋頭喚十五女青蛾對酒點
兩三條紅蠟藏鈎歸去來休老子尊前最愛歌
喉

又

近南湖結箇書樓橋影前溪塔火中流梅蕊衝
寒荷香銷夏楓葉鳴秋松樹底一壺村酒柳陰

中幾隻漁舟歸去來休典我春衣日日郊游

又

問先生老矣何求一片西山幾載勾畱獻賦長
楊挂冠神武捐珮瀛洲也曾簪筆跼螭坳右手
也曾移家住鼇禁東頭歸去來休閒把
君恩說與朋游

天淨沙

一行白鴈清秋數聲漁笛蕢洲幾點昏鴉斷柳
夕陽時候曝衣人在高樓

水仙子 雙調

昏鐘百八戍樓敲旅夢三千鄉路饒平頭六十
今年老算不如歸去好得逍遙且自逍遙閒摘
采山花簪帽緊隨身村沽滿瓢醉拖條竹杖過
橋

又

半湖山上采樵夫百步橋邊垂釣徒三家村裏
耕田父這生涯都不苦要歸與只便歸與錦屏
風蒼厓紅樹白雪灘金壘玉醴綠楊灣赤米青

孤

又爲毛大可輓姬人曼殊豐臺花匠女

玉堂傳說小名兒檀板能歌絕妙詞銀鈎會寫
相思字記人扶拜客時勝豐臺一捻花枝畱客
住豪端染紙想夫憐箏柱調絲今日箇長恨題
詩

沉醉東風

香茅屋青楓樹底小蓬門紅板橋西雖無蔗芋
田也有桑麻地野薔薇結箇笆籬更添種山茶

綠萼梅這便是先生錦里

又 題周編修漁隱圖

檣頭船茶壚酒盞藕苗衣筍笠筠竿撈鰕柳樹
陰放鴨蘆花岸畫圖中儘自消閒縱使

君恩未許還終不學鋪眉苦眼

清江引

西風古寺攀楊柳落日低銜岫山行萬里程水
次雙江口鴈兒不來魚定有

普天樂 中呂

小樓前疎林外及基丹井顧況書臺灣灣綠水
深點點青山矮釣侶詩朋看都在把封泥酒甕
齊開雞頭竹胎穀芽餅饅油菜花臺

又

到清秋開家宴生魚切玉野雀披綿村村斷蟹
肥日日湖菱賤對竹千竿書千卷悶來時刻箇
花船白蓮寺前青陽橋外金粟山邊

朝天子 送分虎南還

驛車慢些小住長亭者疎林不隔遠山遮幾點

新黃葉雲脚天斜鴈書橫寫趁歸人南去也離
別漫嗟只可惜中秋月

又

魚標稻苗爭似南湖好月寒沙柳夜蕭蕭帆影
卸三姑廟暗水橫橋矮屋香茅看黃花都放了
絲絲布袍再不想長安道

又

送融谷宰來賓

爭絃酒船且緩坐紅亭勸仙鳧飛度鷓鴣天種
柳濱江縣木榭花邊柑子堂前算輕郵道六千

涼烟暮蟬話十里河橋遠

又

花時荔支日日堆江市石牙山翠雨絲絲榕葉
交廳事萬里相思六六魚兒盼雙雙新燕子清
詩小詞帶幾箇平安字

同作

錢唐 洪昇 助思

鷓鴣鷓鴣啼徧桃榔樹鬱金香散雨如酥村
社敲銅鼓退食公餘岸幘升車向青山間弔
古男巫女巫酌酒拜劉因尸

前題

秀水徐善敬可

梧邊柳邊飛不到衡陽雁
祥河江上伏波船
遙把才人餞桂葉青圓
蕉實黃鮮荔支林紅
萬點烏仙鮑仙天付與
丹砂縣

前題

錢唐龔翔麟
舊屬

雷江瘴鄉到日官梅放
訟庭無事畫簾張
沉水煙初颺醒酒茵香
消食檳榔緩平湖菱芡
想琴堂笛牀咏不了
蠻花樣

落梅風

查山探梅

十里青苔路三更翠羽啼
泛輕船太湖邊棧等
南枝北枝花放齊也未
必明朝風起

又

細細香苞綻泠泠淺水流
趁快雪乍晴時候把
短簫橫笛催上樓對七
十二峯行酒

金字經

憶辰娘作

蝴蝶難分隊鴛鴦擬作
雙行近秋花六扇牕剛
迴身避乳猶新霜降紅
葉溼鞦韆幫

又

碧浪湖邊樹白蘋江上舟風雨蕭蕭不耐秋愁
歸帆郭外抽從別後無計再勾留

山坡羊 雙林庵

涼雲池面殘陽臺殿綠槐不吐青蟲線聞河淺
寺門偏蹇驢斜背風中絳可惜馬蹄歸路遠船
橋那邊蓮紅一翦

又 飲池上

昏鴉初定涼蟬都靜絲絲魚尾殘霞剩渚煙冷
露華凝香笛笑卷青荷柄我醉欲眠君又醒筆

簾內聲燈花外影

醉太平

野狐涎笑口蜜蜂尾甜頭人生何苦鬪機謀得
抽身便抽散文章敵不過時髦手鈍舌根念不
出摩登况窮骨相封不到富民侯老先生去休

一半兒 西溪 商調

滿林殘雪碧山坳人日春風金剪刀孤棹野塘
紅板橋玉梅梢一半兒開遲一半兒早

又 靈隱

冷泉亭子直山崖蕭九娘家沽酒牌墟畔碧桃
花亂開到重來一半兒依然一半兒改

又淨慈

冷雲山寺畫屏秋斷塔雷封殘照畱孤汊酒村
風幔收載歸舟一半兒蓮蓬一半兒藕

又西湖

三潭新月浸魚六十里長堤飛柳綿尋到水仙
王廟邊裏湖船一半兒剛來一半兒轉

又浙江

鯉魚風起鳳山根白鷺潮來鼈子門黃雀雨晴
魚浦村亂帆分一半兒天斜一半兒穩

又釣吉寧

渚蘋山木古祠秋漁子瓜師棧小舟爭道客星
天上雷契相投一半兒君臣一半兒友

又長山滙

鷓鴣灘冷渚風清謝豹花繁春雨晴烏柏樹翻
秋葉鳴挽船行一半兒山腰一半兒嶺

又九峯

一峯低映一峯高十里沙連十里橋曾記小船
迎晚潮冷蕭蕭一半兒蘆花一半兒草

又 虎丘

生公臺上鬪茶巾短簿祠前羅酒樽真娘墓傍
凝舞塵款游人一半兒櫻桃一半兒筍

又 錫山

錫山泉近筍輿稀竹火鑪輕松葉肥蘭草岸回
花舫齊恣攜歸一半兒香醪一半兒水

又 金山

城頭殘角戍樓開天際征鴻丁字排攜手試登
山上臺暮潮來一半兒江聲一半兒海

又 淮浦

行來沙際柳陰疎望裏村邊酒幔孤聽得渡頭
人語無遠模糊一半兒吳音一半兒楚

小桃紅 題玉元章墨梅

斜飛蝴蝶撲枝圓不怕游絲罥疎影依然水清
淺嫩寒天墨痕澹處珊瑚軟似曾相見稽山風
霰一樹小牕前

又 送德尹還里

揚州棒子小於龕粉額朱紅檻一路垂楊繫船
纜水拖藍初鴻幾點秋容澹梅花酒酣蘆花風
慘夢穩到江南

又 前題

謝家兄弟舊田廬好續春池句兒女團團紙牒
戶儘歡娛閒尋捍海塘邊去村醪遠沽營船橫
渡山似小葫蘆

叨叨令

一年一夢空愁思六張五角難成事干呼萬喚
無由至姑負了燒春酒美文君市悶殺人也麼
哥笑殺人也麼哥相見了只勝常兩箇消魂字

又

烏巾斂了煩遮護縞衣借了親分付畫船槩了
愁行路有一日踏花鹿女花間步行不得也麼
哥重不住也麼哥算後會他生未卜今生誤

黃鶯兒

碧玉小人家兩眉彎雙髻了春風愛立疎簾下

佳期最佳陽差不差心知消息今年嫁翦秋紗
紗裙合畫畫取並頭花

葉兒樂府

北樂府小令

北樂府小令

錢唐 厲鶚 太鴻

人月圓

甘露寺懷古

夕陽江上吳朝寺
曾記昔畱題
火焚松徑塵埋
蓮篋雨洗苔碑
樓空多景鐘聲
今古帆影東
西花開花謝潮生
潮落物是人非

長安某氏廢園

行人指點城南路
往事半模糊
烏衣門巷平泉

樹石金谷笙竽 當時深貯娘名御史妾號尙
書而今但有空池飛燕破瓦奔狐

叨叨令 正宮

碧浪湖感舊

月圓波靜蘇灣暮 一船兩槳橫塘渡 秋燈紅袖
曾偷護曉妝青鏡初回顧憶殺人也麼哥憶殺
人也麼哥重來都是傷心處

醉太平 正宮

看梅宿西溪山莊

掩簷色野橋護莎砌田垌梅花雪擁閣如巢供
吾儕睡飽溪深溪淺隨春笑窗明窗暗疑人到
鐘初鐘絕帶詩敲剝香吟半瓢

東郊小隱

小人哉學圃諸生耳傭書門前綠柳陰清渠東
風菜吐游仙枕外分朝暮牽絲棚外看來去選
官圖外論贏輸閑中樂平

題村學堂圖

村夫子面孔渴睡漢形容周遭三五劣兒童正

拋書興濃採斝趁蝶受朋儕哄參軍蒼鶻把先
生弄甘羅項橐笑占人聰不樂如菜傭

春雨

溼東風燕剪灑芳樹秋千埽晴娘拜惜花天對
珠簾暮捲濛濛遮住宜春院絲絲吹上傷春面
瀟瀟唱出送春筵好春光去遠

初夏園居

野茶蘼葢瓦水楊柳穿笆翠畦深護小人家看
童兒戲耍種瓜不長東陵價賜櫻不羨長安話

澆蔬不減漢陰佳任東風過馬

後庭花

仙呂宮

冬日同江聲登吳山

仙山迴磴重酒樓空翠中霜落千門樹風清十
廟鐘夕陽東越王何在鴉翻江上峯

次韻

金志章

林疎翠靄重山圍閭井中輦道穿危磴叢祠
響午鐘酒樓東天開圖畫烟江千萬峯

醉中天

仙呂宮

張龍威送醉蟹

無復爬沙樣風味付廚娘纖手紅椒擘繡匡只
合糟上葬春雨瀟瀟夜窗背燈情況畫眉人肯
分將事見張敬集

一半兒仙呂宮

金華寶婺觀

雲衣月面佩珊珊夜駕天風下古壇響入赤松
山外山篆煙殘一半兒浮空一半兒散

吳甌亭瓶花齋剪橙小集

移從夜雨記親裁剪向西風入手纔剖霧莫辭
傾翠醅輒金杯一半兒詩成一半兒改

上虞百官江口舜廟

重瞳此地有遺苗野廟空江玉座銷無復百官
趨早朝話漁樵一半兒龍工一半兒鳥

浮山禹廟和嶰谷

雲根不出廟庭隅神怪當年豈盡誣塑壁尚存
山海圖看模糊一半兒蝸涎一半兒雨

吳山伍公廟

青山遙對海門斜時見靈旗溼浪花夜夜潮
驚萬家閃棲鴉一半兒聲回一半兒打

鶴林寺水襄陽祠

仙花僧竹認松龕遺像依稀海岳庵野鼠有時
鬢被銜護伽藍一半兒塵添一半兒減

淮陰漂母祠

淮流日夜走青蘆老屋煙煤一飯餘亭長有妻
曾媿無漢規模一半兒韓侯一半兒母

松江超果寺一覽樓寫望

潮迴黃歇浦邊春天界秦皇道上曛山冷陸機
昔內雲畫難分一半兒丹青一半兒粉

題吳抱村閑居消暑圖

綠楊風裏掩茅茨紅藕香中收釣絲翠竹影邊
吟小詩日長時一半兒橫經一半兒史

青歌兒 仙呂宮

悼吳中歌者

花前偷回嬌盼賞知音舞袖弓彎何處秋墳唱
夜蘭拋卻青團扇兒閑風流日 元夏雪葦青樓
集李嬌兒人目

為且

四塊玉 南呂宮

題大滌貝鍊師房

種藥鉏分茶筦蒼檜空堂隱臞仙碧桃幽徑閑
尋徧一柱煙五洞天九鎖泉

沈歸愚侍郎天台歸過訪

霜滿鞞塵侵馬白首諸公戀東華相逢愛說天
台話躡屨霞飯澗麻吟瀑花

閱金經 南呂宮

同吳可堂游潮鳴寺

竹外青蓮座水邊黃面僧掃葉烹茶折腳鐺迎
罷翻金字經蒼苔徑看碑廊下行

澆藥井

抱甕忘機事栽花消俗緣中有桐君上品傳泉
飛流當暑天雲漿噴主人平地仙

朝天子 中呂宮

送樓子湘歸吳門

稻齊鱸肥久憶吳中味乘秋帆影去如飛嫋嫋

北樂府小令
一
菱歌起鶴市誰依鴻廡單棲算歸時仍客裏得
歸且歸吟不了烟波意

同作

馬曰璐

擬行未行猛賦得歸期定木犀香裏晚雲晴
盼殺皋橋影秋五湖清月二分明寫相思兩
地情酒城鴨城莫忘了盟鷗等

紅橋納涼

藕湖柳渠亭館風多處十年隋苑舊詩通團扇
招涼句茉莉鬟酥薔薇衣露隔船窗聞笑語不

須醉扶月上紅橋去

春煙

遠林翠侵煥處迷離甚夜來輕抹畫廊深和月
梨花浸裏上羅襟飛上瑤簪似幽期一縷心再
尋至今春有禁情難禁

滿庭芳

中呂宮

殘秋湖上有懷月田筠谷穆門三君之

破

湖山宴娛景畱年去社散人徂畫橋煙艇風蒲

路極目愁予夢已隔黃公酒壚寫難窮白傅詩
圖秋光暮碧雲紅樹泉下得知無

題王茨簷北郭移居圖二曲

生涯自遣嫌居市并喜近田園酸寒東野唯詩
卷家具蕭然鈍榜上高題狀元醉鄉中舊署神
仙尋君便林鶯乍囀卽此賀新遷
鄰家大有東屯雞柵北郭漁舟鐺中煮字今能
句飽矣何求羊角埂看花慢走兔兒泉裏茗閑
游歸來候遙山滿眸紫翠一節收

辛未重午嶰谷半查招集行庵分韻

籬閑六枳階苔更掃徑竹新孳觴蒲有客過三
四荆楚佳時王播去功名似此孟嘗生富貴何
之開胸次須行樂耳不用讀騷辭

紅繡鞵 中呂宮

正月十六日同江聲可堂龍泓游吳山
分得開字

三五夜將錢更買第一樓有酒初開士女燒香
墜金釵春潮和月上暮藹送詩來燈街人似海

春晚

情黯黯花前側帽路茫茫月底吹簫花月江南
憶新妖詩險吟芍藥夢枕墜櫻桃人隨春共老

普天樂

中呂宮

題行庵為馬嶰谷半槎兩君觴詠地在

揚州北郭天寧寺西

碧蘿垣蒼筤徑簷花月明庭樹秋聲某分謝墅
幽榻下蕭齋靜大小山名堪核贈卜行窩招友
經行行廚醉醒行衣露冷行篋詩清

春水

雪初消波微溜鵝肥蕩口鶯脰湖頭藍拖打槳
人綠染滿荷候何事干卿吹頻皺笑東風直恁
風流情如此柔殘紅漾久還繞妝樓

喜春來

中呂宮

春柳

初過元夜新黃蘸剛近清明嫩綠攏小紅樓外
拂氍毹黏畫衫飛絮滿江南

山坡羊

中呂宮

秋雨初霽，嶰谷半槎，招同人集看山樓。填此曲子以病不赴。

養青天逗綃紅霞漏井梧缺處山新瘦雨初收
酒新篘鯉風試弄凭闌袖自笑文園多病後秋
嬾上樓愁還獨謳

春日郊行

春山如笑春流堪照桃花紅出疎籬靠醉村醪
聽神簫社公雨灑潮王廟雲影弄晴歸尚早橋
魚散苗郊燕定巢

梧葉兒 商調

春山

窗中岫天外峯雪淨遠連空淡冶河陽重浮嵐
北苑工暖翠井西同遙念著眉梢更濃

小桃紅 越調

橫波夫人畫蘭扇敬身索賦

秦淮不見翠雙鬢摺扇香痕潤往事眉樓有誰
問墨花春靈均舊怨都銷盡南朝豔粉才人風
韻題詠到湘裙 龔宗伯有題畫蘭君子如夢令為橫波作也

吳江道中

一篷風色一橈雲詩有江湖分第四泉邊綠陰
襯夏寒新憑誰寄箇松陵信楊花過隄棟花飛
近金鴨煖梅魂

柳營曲

越勇

尋秦淮舊院遺址

支瘦筇訪城東板橋夕陽依舊紅名士詞工狎
客歌終醉臥錦旆叢閑愁埋向其中溫柔老卻
吳儂香銷南國盡花落後庭空風吹夢去無蹤

春夜汎湖

停漏籤展冰匳春湖可人花月兼悽夢厭厭柳
影纖纖山隔夜明簾呼燈重問青帘叩舷同唱
烏鹽泝流光三塔動衝香霧六橋黏尖風起索
衣添

漁家

漁事多柰漁何漁心太平誰似我春雨漁蓑落
日漁艇漁舍水雲窩約漁兒漁弟經過聚漁兒
漁女婆娑漁竿連月浸漁網帶煙拖歌漁笛定

風波

漫作效康片東體

同敝車守空廬貧中自憐貧有餘烏識親疎花
驗榮枯笑讀古人書扁舟不逐陶朱布衣空羨
丹徒英雄重俯仰事業一歛歛初只合老樵漁

春思效張小山體

紅漸稀綠初肥暖風一團香絮飛春入長眉春
著單衣無處問相宜乍開簾芳草東西倦凭闌
粉蝶高低鳥聽秦吉了花發蜀當歸伊誤了牡

丹期

沈醉東風 雙調

春日西湖

謁東閣平生未見典西湖此事休云約酒朋探
芳信賣得天柳嬌花嫩老作承平快活人看鏡
裏春山似晒元劉致中醉中天自注云宋諺有
典賣西湖之語臺諫謂之賣了西
湖既責則不可復省院謂之典了西湖猶可贖
也無官守無言責此古人所以輕視軒冕歟

紅橋水亭看荷

移舫子雲陰半掩倒闌干魚影深潛池分九曲

涼花比重湖豔看娉婷不隔湘簾疎雨催詩意
未吹但葉上聲來數點

折桂令 雙調

金陵朝天宮秋寓

笑平生詩卷生涯偶寄雲房似到仙家鏡照山
精鐘敲夜斗鼎鍊秋霞申地閣不啻破瓦卞公
墳誰種殘花莫羨豪華六代興亡哀柳啼鴉

賦得客帳夢封侯

傍幽窗斗帳淒涼何許儒冠忽擁油幢虎士趨

風蛾眉環坐珠履成行班祭酒須輕故鄉李將
軍得遇高皇萬里名揚萬戶勳償一枕邯鄲總
是荒唐

題殿畫乞巧圖

剩前朝一粒丹青長信昭陽無限秋情金合藏
蛛絲橋度鵲紈扇飛螢聽玉漏遲遲五更拜銀
灣脈脈雙星梧影閑庭不卜他生但祝今生

低髻

理香絲樣減菱銅緊縮螺尖不放鴉鬆翠葉斜

安金釵短插羅帕輕籠行雲穩微微楚峯墮花
慳小小吳宮傳徧城中壓倒韋娘見慣司空

述懷

問先生底事窮愁放浪形骸笑傲王侯不隱終
南不官彭澤不訪丹丘搔白髮三千丈在手算
明年六十歲平頭天許奇游弄月蛟門看雨龍
湫

西湖次趙文寶韻

比西湖西子爭誇西子看來尙遜穠華不盡雲

山無窮煙柳可惜風花斜陽在黃妃舊塔醉鄉
眠蘇小誰家流水殘霞新月如牙油壁香車歸
去吳娃

浩然巾

展鮫綃一幅裁雲素頸遮寒翠鬢藏春踏雪風
流尋梅窈窕照鏡溫存分明是江妃後塵又猜
疑孟浩前身詩客知恩剛近香肩凍粟無痕

題徐安生桂花湖石小幅爲丁龍泓作

是何人染出秋光石擬聞蜚樹訝懸香纖手皴

北樂府
苔柔毫暈碧嬌額分黃權當作如來供養也應
教才子收藏腸斷吳閭漂泊多情老去徐娘

懷嶰谷游金陵效壘韻體

溯空行小艇風輕萬頃潮平清興堪乘山迴雲
生林青雨映一嶺金陵景陽井苔崩舊京石頭
城煙冷新亭茶鼎禪燈竹徑江聲酒聖詩盟少
摒塵纓緩定歸程

楊妃病齒延清齋分賦

宴華清何限歡娛底事朝來粉悴香癯柳葉微

顰瓠犀小冷棠萼愁吁沒亂煞開天帝主敕離
支休進中廚塞上思酥突騎長驅活玉巢中且
忍須臾

清江引 雙調

蘇堤春曉

誰家總宜船玩景落月長隄暎柳煙舒翠屏花
露揩明鏡西施帳中春夢醒

花港觀魚

東風倚闌花似雪小汊分鱗鱖魚將花吐吞花

北樂府小令
逐魚明滅人生不如魚樂也

柳浪聞鶯

小鶯擲梭風柳靡翠線波痕細雙柑酒便攜兩
豆塵休閉百單八聲春去矣

槐院風荷

風漪四圍深院字荷氣銷炎處斜明柳外虹亂
颭萍間鷺來看翠盤高下舞

兩峯插雲

南北兩高青對聳氣溼雲飛動牛頭縹渺齊馬

耳冥濛共僧歸雨來龍湧湧

平湖秋月

月明滿湖剛著我不攪魚龍臥碧瀾寸寸秋桂
子紛紛墮星河醉鶯都繞舸

三潭印月

魚王國中看月上三塔遙相望浮珠白一丸沈
壁寒千丈夜深老禪心一樣

雷峯夕照

黃妃塔頽如醉叟大好殘陽逗渾疑劫燒餘忽

訝飛光候漁村網收人喚酒

南屏晚鐘

鯨鏗一聲山鳥駭響徹青松外雲遮五百閒月上三千界歸舟幾聽頭漸白

斷橋殘雪

水南數峯皴粉少玉蟬澄餘照鷗邊草欲蘇驢背梅初笑林逋宅荒猶未掃

菜貴戲作

晚菘一筐堪適口莫笑貧家陋求添轉不能問

價高於舊宜州老人空肚久

落梅風

雙調

華秋岳爲子寫西溪卜居圖因題其上
橫斜影清淺溪翠濛濛嫩寒山氣梅花見招深處棲草堂負故人誰寄

孤山訪梅

蜂鬢朵鶴膝枝背湖陰杳無人至逋仙墓前春若此瘦吟肩聳成山字

歲除得沈椒園山東書

琴工欠藥券遲逼殘年有臺難避門前雁行誰
解圍沈三兄俸錢遙寄張說謂沈佺期曰沈三兄詩須還他第一椒園

行三
故云

鄰牆杏花

高樓雨深巷風惜花人作詩無用紅香笑窺牆
角東笑先生白頭非宋

嶰谷送漳蘭

心占易佩擬騷兩三莖送秋先到吐幽香暗將
炎晝消雪窗僧寫來難肖

原作

馬曰琯

清風灑涼露滋瘦亭亭自憐幽致伴同心玉

琴調七絲小窗中略添秋思

水仙子 雙調

虎丘書所見

王珣宅畔曉鐘催未勸花邊午店開仇英畫裏
春妝賽趁清明冷食來施山僧那借金釵低潤
臉男兒拜整新裙侍婢擡恨無端落日船回

竹下水仙

北集府小令
翠雲影掠玉鈿柔蒼雪聲搖金瓊流天寒正倚
佳人袖是何年雅蒜收傍琅玕鵝管花抽墨胎
子生來瘦楚湘娥分外愁合就清幽

齊瓊臺侍郎雪中過訪

十年握手意偏深千里言懷喜不禁三公折臂
君尤甚臥天台琪樹陰蒼蒼生望到而今剡雪
淒清興江雲縹緲心有約聯吟

謝馬嶰谷半槎惠人葠

靈苗合在阮生家香藥應須溫尉誇連根便是

邊鸞畫價兼金難賽他起沈疴何必丹砂秋寄
逢江雨晨煎汲井花此意無涯

殿前歡 雙調

秋思用張小山春思韻

寫秋思芭蕉葉葉竹枝枝南湖風雨涼何自潘
鬢成絲蟲聲唱鬼詩鴈影排人字鳳紙書仙事
餘香滅後幽夢回時

春草

燒痕春無端喚起踏青人青青有盡愁無盡不

北樂府小令
入侯門濃將落日薰媚借飛花觀色作羅裊認
小卿墓上西子湖濱

撥不斷 雙調

晚秋田家

倚霜根望前村西風漸掠歸鳴陣稻熟租分解
面勻菊香醉枕鋤頭穩是非休問

枳郎兒 雙調

月夜過吳梅查青棠館

趁微涼訪書堂淡月正昏黃卍字闌干亞字牆

花影轉東廊

北樂府小令 完

北樂府八全

三

師圖書
館藏書



